

後漢書疏證

後漢書疏證卷四

吳 沈欽韓撰

第五倫傳 以次第爲氏

通志氏族畧引風俗通曰第八氏亦齊諸田之後田廣弟田英爲第八門田氏焉王莽時有講學大夫第八矯陌上號爲道士

三洞道科曰道士有五一天眞道士高玄皇人之流也二神仙道士杜沖尹軌之列也三山居道士許由巢父之比也四出家道士宋倫彭譙之匹也五在家道士王瓊錢鏗之倫也

未遇知己道不同故耳

鷓冠子學問篇不提生於弗器賤生於無所用

扶夷長

一統志夫夷故城在寶慶府新寧縣東北

裁留一月糧

北堂書鈔續漢書云倫俸祿常取赤米謝承書曰第五倫母老不能之官每至臘日常悲戀垂淚又會稽先賢贊云董昆字文通餘姚人清約守貧茹菜不厭郡守第五府君嘉其令名署上計吏舉察孝廉爲天下之最也

賈後爲九江沛二郡守

東觀記立賀遷鄴令政化大行沛郡守當云國相沛王

輔以建武二十年徙封

北堂書鈔東觀記賀立爲九江太守行縣齋持乾糲姚本東觀

記云賀文和遷九江太守行縣持乾糲但就温而已屬去日百姓扶車叩馬啼泣隨之皆誤以賀爲姓文和則

其字也

代牟融爲司空

華陽國志漢中趙瑤自扶風太守徙蜀郡司空張温謂

之曰昔第五伯魚自蜀郡爲司空今掃吾第以待足下

矣蓋漢世以爲美談

苦身待士不如爲國

晏子內篇苦身爲善管子法禁篇勤身遂行說人以貨

財濟人以買譽聖王之禁也

防以錢二百萬私贖三輔衣冠

北堂書鈔三輔決錄云孫晨爲郡功曹將軍馬防聞名

餽錢四百萬晨不敢拒受而埋之閤內

御覽四百八十五三輔決錄曰

孫晨字允公家貧不仕居社城中織箕爲業明詩書爲郡功曹冬月無被有薪一束暮臥旦燒之袁宏

紀章帝以錢二十萬使防與扶風平陵人賈逵

以身教者從

晏子雜篇下禁之以制而身不先行民不能止故化其

心莫若教也

少子頡嗣

按倫在位時未有封爵此嗣字衍

論曰非夫愷悌之士

按倫之赤米布被非以概諸人也以律身也律人則刻律身何傷攀車上書去思如是非豈弟君子孰能之

以苙韋爲佩

華陽國志杜泰姬云昔西門豹佩韋以自寬宓子賤帶苙以自急以董安于爲宓子賤

種單超兄子匡爲濟陰太守

考異曰楊秉傳作超弟宦者傳作超弟子范書李雲死在延熹三年按楊秉傳三年坐救雲免歸田里其年冬

復徵拜河南尹坐單匡使客刺衛羽繫獄亡走論作左

校若如范書則雲死時單超已死

按超傳云以三年卒其在雲死前後不能

定何得更能陷種又雲書所論者鄧后與封五侯事皆

左二年袁宏紀作二年似近之

大山賊叔孫無忌等

考異曰帝紀延熹三年十一月無忌攻殺都尉侯章又

臧旻訟種稱種所坐盜賊公負筋力未就然則種必不

能降無忌此說妄也按温公謂單超已死與種事不相

當容可致疑然亦只據楊秉傳爲河南尹事以至翻辭

蓋秉傳之誤若單超陷種其事炤灼不應矛盾若此至

衛羽說降無忌等則應有之事段頌傳云大山琅邪賊  
聚眾三萬人皇甫規傳叔孫無忌侵亂郡縣中郎將宗  
資討之未服又方術傳趙彥爲宗資陳孤虛之法宜發  
五陽郡兵則其徒黨熾盛積爲巨寇羽所說降僅三千  
人何能消滅時宦官恣睢以其喜怒爲功罪無妨外方  
升降內已定劾如此等事儕輩不少溫公譏范之妄未  
免免抑

高密甄子然

甄子然見孔融傳劉知幾議孝經引鄭志有答甄守然  
書亦是此人訛子爲守



危者易仆

文子上德篇頌易覆也倚易輒也

徐州從事臧旻

魏志臧洪傳注父旻以徐州從事辟司徒府

注 朱家買置田舍言之高祖

按文當云說汝陰侯言之高祖

卒於家

按種有子巡羣輔錄云第五巡字文休種之子辟太尉掾與杜陵金敞字元休位至兗州刺史杜陵韋端字文休位至涼州刺史太尉齊名時人號之京兆三休見三

輔決錄

鍾離意傳少爲郡督

北堂書鈔意別傳曰西部都尉南陽任延以優文召縣  
曰都尉德薄思賢汲汲處士鍾離意正色鄉黨百行優  
備應令補吏檄到史掾以禮發遣者

會稽大疫

御覽

二百五十三

別傳曰汝南黃謙拜會稽太守召意署北

部督郵時郡中大疫黃君轉署意中部督郵意乃露車  
不冠身循行病者家入門賜與醫藥詣神廟爲民禱祭  
其所臨戶四千餘人後日府君出巡災青百姓攀車啼

曰明府不須出也但得鍾離督郵民皆活也

身自隱親

晉書閻續傳隱親侍養按隱殷古通爲憂

舉孝廉再遷

北堂書鈔別傳曰揚州刺史夏君三辟意署九江部從

事三府側席

陳禹謨補

又按夏君見意曰刺史得京師書聞

從事有令聞刺史何惜王家之爵不賁賢者乃表上尙

書又云鍾離意舉孝廉爲天下第一

以見霸曰

顧炎武曰見當作視古示字作視按鄭詩禮箋注並言

之

遣令長休

管子輕重甲民無以與正籍者與之長假長休卽長假  
建進藥而死

御覽

三百四十一

意別傳曰意爲瑕邱令立春遣戶曹史檀

建齋青幡

原本幡上有幘字

白督郵督郵不受建留於家還白

意言受他日意見督郵而督郵謝言所以不受青幡者  
以自有也意召建問狀建惶怖叩頭意曰勿叩頭使外  
聞也因出轉署主記史假遣無期建歸父問之曰朝大  
士歟賢能者多子何功才旣獲顯榮假乃無期寵厚將

何謂也得無有不信於賢主耶建長跪以青幡意語父  
父默然有頃令妻設酒殺雞與建相樂謂建曰吾聞有  
道之君以義理殺人無道之君以血及加人長假無期  
惟死不還將何以自裁乎酒畢進藥建遂物故又二百六十  
入別傳曰男子兒直勇悍力便弓弩飛射走獸百不脫  
一桀悖好犯長吏意到官召署捕盜掾勅謂之曰令昔  
嘗破三軍之眾不用尺兵嘗縛暴虎不用尺繩但以良  
謀爲之耳掾之氣勢安若宜慎之由是相率爲善所謂  
上德之政鷹化爲鳩暴虎成狸此之謂也

曾參回車

文選陸士衡猛虎行注引尸子孔子至於勝母暮矣而  
不宿

尙書案事誤以千爲百

初學記意別傳曰意爲尙書僕射其年匈奴來降詔賜  
縑三百匹尙書侍郎暨鄼受詔誤以三千匹賜匈奴詔  
大怒鞭鄼欲死意獨排省閣入諫明帝以合大義志損

怒消帝謂意曰非鍾離尙書幾誤降威於此耶

藝文類聚引此

云敕大官掾  
賜鄼藥酒

自起撞郎

鄧析子無厚篇爲君者恬卧而功自成優游而政自治

豈在振目搯腕手據鞭朴而後爲治歟魏志裴潛傳注  
魏畧曰韓宣黃初中爲尙書郎嘗以職事當受罰於殿  
前已縛束杖未行帝輦過特原之晉書山濤傳詔杖左  
丞白襃杖五十御覽六百五十傅咸集曰咸爲左丞楊濟與  
咸書曰乍遣人相視受罰云大重以爲怛然相念杖痕  
不耐風寒宜深慎護則是後世丞郎亦被杖也南史蕭  
琛傳齊明帝用法嚴峻尙書郎坐杖罰者皆卽科行琛  
乃密啟曰郎有杖起自後漢爾時郎官位卑親主文案  
與令史不異故郎三十五人令史二十人人士人多恥爲  
此職自魏晉以來郎官稍重今方參用高華吏部郎又

近於通貴不應官高昔品而罰遵曩科所以從來彈舉  
止是空文許以推遷或逢赦恩或入春令便得息停自  
奉勅之後已行倉部郎江重欣杖督五十無不人懷慙  
懼乞特賜輸贖使與令史有異以彰優綬之澤帝從之  
德陽殿成

藝文類聚八漢官典職曰德陽殿周游容萬人自偃師  
去宮四十五里激洛水於殿下

視事五年以愛利爲化

按此條注引東觀記意在堂邑云云當在前文遷堂邑  
合之下北堂書鈔御覽皆引之



注 謂解土祝曰

諭衡解除篇世閒繕治宅舍鑿地掘土功成作畢解謝  
土神名曰解土為土偶人以像鬼形令巫祝延以解土  
神已祭之後心快意喜謂鬼神解謝殃禍除去

宋均傳

按此傳及東觀記謝承書凡他書引及皆是宋均惟馬  
援傳作宗均章懷於黨綱傳注引謝承書宗資祖父均  
自有傳即此宋均也袁宏紀宋弘宋由又皆作宗宗與  
宋相淆久矣趙明誠跋漢司空宗俱碑云按均族子意  
意孫俱靈帝時為司空嘗得宗資墓前石獸膊上刻字

因以後漢帝紀及姓苑姓纂書參考以爲自均而下其  
姓皆當作宗而傳轉寫爲宋誤也後得此碑益知前言  
之不謬按廣韻二冬宗字注云宗姓出南陽元和姓纂  
云河內太守宗均文苑英華嶺南節度判官宗公碑遠  
祖均東漢爲九江太守則此宋均之誤明矣

斬其大帥而降

按伏波殺後軍中無主均以區區小使而蠻夷振怖斬  
渠出降則伏波計在持久取果於已熟勝算定矣不幸  
而殺均猶藉其餘威克收成效假如讒者之言則蠻有  
餘力因危抵頽寧有元帥旣喪反肯束手者乎伏波後

事皆由梁松輩誣妄史官無識傳謬襲誤參以此傳可證其失矣

遷九江太守

袁宏紀曰均遷九江太守五日一聽事悉省掾史閉督郵府內令與諸曹分休屬縣無事

北堂書鈔華嶠書五日一聽事冬以日中

夏以平旦

虎東遊渡江

應劭正失云虎山栖穴處豈能犯陽侯凌濤而橫厲若均登據三事德被四海虎豈可抱負相隨至鬼方絕域之地乎愚謂物理相感容有非意然東漢風尚標榜名

浮於實簪筆尙論尤驚矜夸著作東觀則倣所先方志  
家乘靡成捕影故漢魏以下諸人搦管不啻汗牛職是  
然矣如虎渡江一事劉平劉昆皆有之率是而推躡迹  
比肩凡厥佳稱後先稗販考古之士所宜鑒別也

北堂書鈔

益部耆舊傳云趙瑤爲維  
氏令到任虎負其子出界

### 唐后二山

明統志姥山在廬州府東南一百里巢湖中居合肥巢  
廬江三邑之間一名聖女山上太姥廟又孤山在府城  
東一百里巢湖中其山突然孤起疑此唐后二山寰宇  
記巢縣將陷有巫媪豫知南走得免後人爲巫立廟今

湖中有姥山廟

注 浚道縣屬廬江郡故城在今廬州慎縣南

按兩漢志浚道俱屬九江郡舊唐志云慎縣漢浚道縣屬九江郡廬州府志浚道故城在合肥縣東北今其地名清水橋

遷東海相

論衡程材篇東海相宗叔庠

一本說犀廣召幽隱春秋會變

設置三科以第補吏一府員吏儒生什九

均自扶輿

漢晉人常言也晉書山濤傳遂扶輿還洛劉寔傳遂自

扶輿冒險而至皇甫謐傳扶輿就道蓋勉強扶持之義  
猶無所害

諸本害作言誤

意傳阿陽侯相

錢大昕曰阿陽縣屬漢陽郡不云侯國而上黨之陽阿  
爲侯國此阿陽或陽阿之誤一統志陽阿故城在澤州

府鳳臺縣西北

舊志在澤州西北  
四十五里大陽鎮

春秋之義諸父昆弟無所不臣

禮始封之君不臣諸父昆弟繼體之君不臣諸父再世  
而下無所不臣

豺狼貪婪必爲邊患

按南單于竟不歸北而鮮卑之患終漢世則意此議之失可知矣

寒朗傳 錯愕

說文選相遇驚也集韻或從心

平忠死獄中朗乃自繫

此應重囚不聽其自死故主者自繫今法亦然

光武十王傳

東海王

立母郭氏爲后

按文少一皇字

處臣三女小國侯

謂食邑若封君如比陽主之類也注以婦人封侯解之  
非

使大司空持節

錢大昕曰司空馮魴也大字衍

皆吐血毀背

莊子外物皆滅可以休老皆子斯反亦作搆子幾反上  
篇云滅也此毀皆義同

降儀從士寢苦三年

按鄭雜記注云惟大夫以上乃能備儀蓋飾士以下則  
以臣服君之斬衰爲其父以臣從君而服之齊衰爲其



母與兄弟亦以勉人爲高行也如禮注則士服爲微輕

據此詔更以士服爲重蓋詔文從晚近之宜杜預解晏嬰爲纊纊

斬服所由起非禮意也安帝紀元初三年聽大臣刺史二千

石行三年喪是平時貴者反不如禮與雜記所云正相

反

祇立四十四年薨

錢大昭補表云東海之封至建安時必有廢絕國除之

事故獻帝以東海封皇子祇祇薨又以封皇子敦若云

魏室受禪東海王始降爲侯則一國兩封必無是理蔚

宗作傳但見舊史本紀有東海王祇薨之句遂誤以爲

東海恭王之後殊不知建安五年之東海王祇乃是獻  
帝之子見於孔融傳信而有徵也按錢大昕於孔融傳  
言東海王祇非獻帝子然孔融有議則祇實獻帝子當  
云皇子誤出東海王三字遂至兩傳乖戾至建安十七  
年乃封皇子爲王其時未建太子而立王皆出曹操之  
意祇未嘗就國則一國兩封庸何傷乎若五年薨之南  
陽王馮東海王祇皆出追贈不足怪也

沖下  
輔 封右馮翊公

錢大昕曰光武紀無馮字與中山王焉傳左馮翊公馮  
字皆屬衍

爲復侯

一統志僮州故城在鳳陽府虹縣東北

善說京氏易

藝文四集東觀記曰沛獻王輔善京氏易永平五年少  
雨上御美言自爲卦以周易林卜之其繇曰蟻封穴戶  
大雨將集以問輔輔封曰蹇艮下坎上艮爲山坎爲水  
山出雲爲雨蟻穴居知雨將至故以蟻爲興文

子節王正

續文心正作牙唐世系表及獨孤常州集靈表並  
教二王輔生靈靈生定定生節節生可彼文以謚爲

名衍出兩代譜牒之無稽類如此

楚下法 臨淮無須昌有昌陽

一統志取慮故城在徐州府睢寧縣西南須昌故城在泰安府東平州西北與臨淮隔遠

龍舒侯

方輿紀要龍舒城在廬州府廬江縣西百二十里

浮屠齋戒

大智度論戒相篇白衣居家五戒法外更有一日戒六齋日持受行八戒隨學諸佛法名爲布薩按此卽八關齋也

布薩秦言善宿 梵網經修行者不得食五辛五辛者一蔥

二薙三非四蒜五興渠分別功德論念戒者其義云何  
當五戒十戒二百五十戒至五百戒皆以禁制身口飲  
諸邪非欲御六情斷諸欲念中表清淨乃應戒性夫戒  
有二有俗戒有道戒五戒十善爲俗戒三昧四諦妙慧  
爲道戒但行守戒不出二界以慧御戒使成無漏乃合  
道戒聲聞家戒小喻若麻上華動則解散大士戒者喻  
若頭插華行止不動何者小乘檢形動則越儀大士領  
心不拘外軌也

注 慈心爲主

分別功德論菩薩行忍常以慈等之于彼我彼我既齊

怨親不二故經曰小乘之慈慈猶肌膚大士之慈徹于骨髓若人割截菩薩手足者變成爲乳者卽是慈證也

注 漢言息也

分別功德論念休息者謂心意想五欲不起寂然永定故云息也凡息亦有二種外道梵志斂形求福亦云息也沙門四果眾結永消乃是眞息

注 隨復受形

阿毗達磨論前說諸界諸趣諸生諸地受苦應說云何界趣生地界有三種欲界色界無色界欲界有二十處謂八大地獄

一等活二黑繩三眾合四號叫五大號叫六炎熱七極炎熱八無間

并傍生

生即畜鬼界即餓為十有四洲人一贖部州二勝身州三牛貨洲四俱盧洲有

六欲天一四天王天二三十三天三夜摩天四合二十觀史多天五樂變化天六他化自在天

處色界有十六處謂初靜慮有二處一梵眾天二梵輔天第二靜

慮有三天一少光天二無量光天三極光淨天第三靜慮有三天一少淨

量淨天三一無雲天二福生天三廣第四靜慮有八天一無雲天二福生天三廣

徧淨天一無雲天二福生天三廣第六善現天七善見一無雲天二福生天三廣合十六處大梵無想無別處所故非十八無色界雖

無上下處所而有四種生處差別一空無邊處二識無

非想非趣有五種一捺落迦二傍生三鬼界四天五人生有四種卵胎先

業所引六處相續無間斷因依之施設四生五趣是名

命根亦名為壽

注 以至無生而得爲佛也

智度論

二十

菩薩位者無生法忍僧肇涅槃論秦言無

爲亦名滅度大寶積經論向涅槃心者無業煩惱親緣

果故無緣故陰流滅故名爲涅槃滅有芽生滅煩惱火

是眞涅槃如樹拔根然彼涅槃有二種一者有餘二者

無餘是中有餘者惟滅煩惱無餘者緣無故不從集苦

滅故名涅槃又楞伽經佛告大慧當善分別一切法無

我善法無我不久當得初地菩薩無所有觀地相觀察

開覺歡喜次第漸進

德清記云分別二執斷盡卽入初地俱生我執從初地至七地斷盡

方入入地俱生法執至入地證我空眞如樂着三昧不願度生與二乘取涅槃等正是俱生細微法執未忘及



至九地捨三昧樂發願度生居法  
師位說法如雲方是正斷法執 超九地相得法雲地

住是地已往修幻性法門之所成就  
按妙法蓮華一切經所說是也

佛刹所有如來而灌其頂超佛子地到自覺聖智法趣  
當得如來自在法身

注 初明帝夢見金人

魏書釋老志傳毅始以佛對帝遣郎中蔡愔博士弟子  
秦景等使於天竺與沙門攝摩騰竺法蘭東還洛陽得  
佛經四十二章及釋迦立像愔之還也以白馬負經而  
至因立白馬寺於洛城雍門西北齊書韓賢傳漢明帝  
立白馬寺其經函傳在此寺形制淳朴歷代藏寶  
水經葉榆

水篇始以榆欂盛經顧炎武  
曰欂函也言榆木爲經函

法苑珠林破邪篇永平十

四年五岳道士褚善信等六百十九人表請與西僧比  
校真僞勅集白馬寺置壇五岳道士各齋道經佛舍利  
經像置於道西道士等縱火焚經經從火化悉爲煨燼  
時佛舍利光明五色直上空中旋環如蓋徧覆大眾天  
雨寶花天樂感動大眾咸悅歎未曾有

### 伊蒲塞

一切經音義卍波索迦或言優婆塞迦近侍也言優婆  
塞者訛此云近善男

### 桑門

一切經音義沙門舊云桑門皆訛畧也正言室摩那拏  
此言功勞言修道有多勞也義亦名息以得法故暫寧  
息也舊譯云息心三破論云舊經云喪門其法無生名  
曰喪門至羅什又改爲桑門僧稗又改爲沙門桑當爲  
乘字之訛耳乘門者卽大乘門煩想旣滅遇物斯乘故  
先云滅門後云乘門焉息心達原號曰沙門此則練神  
濯穢反流歸潔卽沙汰之謂也

交通方士

論衡雷虛篇道士劉春熒臧楚王英使食不清

金龜玉鶴

猶金魚玉龍道家以爲要質

占護

方言占猶瞻也廣雅古視也

濟南王康安德

方輿紀要濟南府陵縣漢安德縣

東朝陽

一統志朝陽故城在濟南府章邱縣西北後漢曰東朝陽齊乘在章邱縣東二十五里

重邱六縣

史記正義重邱在曹州城武縣界此春秋之重邱非此

後漢書地理志卷四  
縣也一統志重邱故城在德州東隋于重邱故城置將  
陵縣

西平昌

續志脫此縣新唐志貞觀十七年省般縣入平昌縣舊  
唐志漢平昌縣故城在今縣東三十里一統志在濟南  
府德平縣西南方輿紀要西平昌城在德平縣東北一  
里東漢以北海有平昌縣故此加西

木勝者人亡

晉語士苗曰今土木勝臣懼其不安人也

注 闔廬以游姑蘇之臺以望湖中

按越紉作姑胥之臺以望太湖中閩百姓

東平王蒼東平陽

鄒縣志南平陽城在鄒縣西三十里今其地有平陽店

棗

棗諸本作棗誤棗縣遠屬常山通志今金鄉縣東北二十里有山陽城山陽治昌邑此其爲高平也

湖陵

一統志湖陵故城在兗州府魚臺縣東六十里

前事二六忘來事之師也

趙策張孟談語賈子過秦下引作鄙諺

假紒注引鄭玄云副婦人首服三輔謂之假紒

按追師注鄭司農云副者婦人之首服玄謂其遺像若今步搖矣編編列髮爲之其遺象若今假紒矣是鄭謂編乃假紒不爲副也北堂書鈔晉中興書云泰元中公主婦女緩髮假髻以爲盛飾用髮豐多不可行戴乃先於籠土裝之名曰假髻此雖奢侈異於古亦足知其形製無殊也

月仙圖

隋經籍志漢時阮倉作列仙圖

忠立十一年薨

章帝紀僅一年此衍十字

注 陵在今鄆州東峴山南

峴山卽危山明統志峴山在東平州北五里漢東平憲王墓在焉今志以爲王陵山

任城王尙食任城亢父樊

一統志任城廢縣今濟寧州治樊縣故城在兗州府滋陽縣西南通志亢父城在濟寧州南五十里

立河間孝王子恭爲參戶亭侯博爲任城王

衍恭爲二字

注 今丹水縣北有三戶亭



按此非也博是河間孝王子其食邑當近河間前志勃  
海郡有參戶縣水經注減水東北逕參戶亭分爲二瀆  
應劭曰平舒縣西南五十里有參戶亭故縣也世謂之  
平虜城一統志參戶故城在天津府青縣南

阜陵  
王延長平西華新陽扶桑

兩漢志皆無扶桑縣續志陳國有扶樂縣蓋順帝前曾  
屬汝南郡也此與注皆樂字之誤一統志長平故城在  
陳州府西華縣東北十八里扶樂故城在太康縣西北  
新陽故城在潁州府太和縣西北六十里有  
信陽城卽古新陽之訛

以阜陵下溼

明志滁州全椒縣東南有故阜陵城江南通志全椒縣東十五里地名長阪內有阜陵王墓

廣陵 兄弟至有束縛入牢獄者

按兄弟指沛王輔前以劉鯉報殺劉恭事繫詔獄也

年老遠斥居邊

此言郭太后爲中山太后也注云封之於魯魯非邊又非太后事

元壽弟三人爲鄉侯

唐書世系表荆子有俞鄉元侯平生彪襲封事祖母

以孝聞世號仁義侯

元和姓纂臨淮劉氏廣陵思王荆子孫居臨淮唐著作郎子翼代居

晉陵云自

臨淮徙焉

中山稱媿前行

續志諸侯王法駕稱課促按廣雅釋言諫督促也集韻

媿媿齊謹也又媿媿也或從束蓋續志誤諫爲課通鑑

二百三十二 馬燧討李懷光帥諸軍至河西河中軍士自相

驚曰東城媿隊矣宋史楊巨源傳吳曦叛巨源與安丙  
議以三月六日邀曦謁廟令勇士刺之李好義曰彼出  
則齷巷從衛且干人事必難濟齷亦媿之訛也

特加恩寵

水經注

滄水篇

黑水池東北際有故中山王故宮處臺殿

觀榭皆上國之制簡王尊貴壯麗有加始築兩宮開四門穿北城累石爲竇通池流於城中造魚池銅臺戲馬之觀

坐削安險縣

一統志安喜故城在定州東三十里漢章帝更名安喜

大爲修冢塋

水經注

易水篇

代郡廣昌縣東南郎山其東謂之石虎岡

范曄後漢書云中山簡王焉之窆也厚其葬採琢郎山石以樹墳塋陵隧碑獸並出此山有所遺二石虎後人

因以名岡按酈氏引范書此傳事跡非襲其文也

琅邪王京南武陽華

一統志南武陽故城在沂州府費縣西北七十里華縣故城在費縣東北六十里

昌陽盧鄉東牟

通志昌陽故城有三漢縣在登州萊陽縣東七十里昌山之陽東牟城在文登縣西北十里一統志盧鄉故城在萊陽縣西南四十里

城陽景王祠

風俗通怪神篇城陽今莒縣是也自琅邪青州六郡及

勃海都邑鄉亭聚落皆爲立祠言有神明其譴問禍福立應

開陽

齊乘開陽城在沂州北十五里

厚邱贛榆

舊統志厚邱鎮在海州沐陽縣西北四十里卽故縣也  
元和志贛榆故城一名鹽倉在贛榆縣東北三十里

卽邱

齊乘卽邱城在沂州東南五十里

贊 中山臨淮無聞天喪

何焯曰謂中山無聞臨淮天喪注云二王早終焉立五十二年可謂早終乎

朱暉傳

注

東觀記其先朱微子之後也以國氏姓周衰諸

侯滅宋犇碭易姓朱後徙於宛也

按蔡邕集朱公叔鼎銘云微子啟生公子朱其孫氏焉春秋例孫以王父字爲氏則宋滅始易姓爲宋者非也列國大夫當時鮮有以國爲氏者

少府給璧

蓋納其直於少府前書食貨志王侯朝黃以蒼璧直數千獨斷正月朝賀三公奉璧上殿

更以他璧朝

晉書禮志元會儀皇帝升御坐大鴻臚跪奏請朝賀掌禮郎讚皇帝延王登大鴻臚跪奏藩王臣某等奉白璧各一再拜賀成禮訖下殿掌禮郎讚皇帝延太尉等鴻臚跪讚中二千石等奉璧皮帛羔鴈雉再拜賀公置璧成禮時大行令並讚殿下中二千石以下同成禮訖按其儀則王公朝賀用璧九卿不用璧也陰就官少府以璧朝蓋列侯與三公俱用璧也陳書沈文阿云叔孫定禮奠贄不圭致享無帛公王同璧鴻臚奏賀若此數事未聞於古按夏官射人職其贄三公執璧孤執皮帛古



制正如此沈氏未審也

獨斷舊儀三公以下月朝後省常以六月朔十月朔旦朝後又

以盛暑省六月朝故今獨以正月十月朔朝也

帝意解寢其事

和帝紀以肅宗遺詔罷鹽鐵之禁縱民鑄煮則當其時事未嘗寢也

穆穆愈更精篤

御覽

九百三

謝承書曰朱穆嘗養豬有病使人賣之於市

語之曰如售當自告買者言病也賣豬者售不言病其直過多穆怪其故齋半直以還買豬者辭不敢穆弃錢而去

注 爲郡督郵迎新太守

按南史王湛傳沈曇慶爲徐州辟湛爲迎主簿又爲州迎從事又王規傳爲本州迎主簿考宋書謝方明傳自晉陵太守遷南郡相時晉陵郡送故主簿弘季盛徐壽之並隨在西則是州郡並有迎新送故主簿也蜀志楊洪傳洪迎門下書佐何祗則是郡僚皆備迎送也

丁亥之歲刑德合於乾位

錢大昕曰藝文志刑德七卷五行奇肱刑德二十一卷今皆不傳淮南天文訓言刑德合四歲而分十六歲而復合刑不得入中宮而遷於木則其說自漢初已有之

矣今依其法衍之甲己之歲德在東宮乙庚之歲德在  
西宮丙辛之歲德在南宮下壬之歲德在北宮戊癸之  
歲德在中宮故王莽傳云倉龍癸酉德在中宮張純傳  
云蒼龍甲寅德在東宮也申子辰之歲刑在東方子刑  
卯也亥卯未之歲刑在北方卯刑子也寅午戌之歲刑  
在南方己酉丑之歲刑在西方午酉自刑也翼氏風角  
曰金剛火強各守其鄉卽午酉自刑之謂也又云二陰  
並行是以王者忌子卯卽子卯相刑之謂也見前書  
翼奉傳蘇  
竟傳云德在中宮刑在木謂建武四年戊子之歲也此  
傳云丁亥之歲與刑德合於乾位乾位謂北方也

龍戰於野其道窮也

集解荀爽曰消息之位坤在於亥下有伏乾候果曰坤十月卦也乾位西北又當十月陰窮於亥窮陰薄陽所以戰也與此亥合乾位之旨正同乾鑿度陽始於亥形於丑乾位在西北陽祖微據始也說文戰者接也謂坤與乾合

陽道將勝而陰道負也

惠棟周易述疏曰陰窮於土故云負陽復於下故云勝五位四候

京房易傳一爲元士二爲大夫三爲三公四爲諸侯五

爲天子六爲宗廟鄭注乾鑿度曰宗廟人道之終故但數五位四候坎離震兌四正卦也

絕其姑息

呂氏先識覽商王辟遠箕子爰近姑與息尸子曰

升庵外集

三十引 紂弃黎老之言而用姑息之語注姑婦女也息小兒也

月暈房星

星經月暈圖房星災疫凶

宜急誅姦臣

袁宏紀穆意欲言宦官恐冀漏泄之狀不能已復附以

密記

故道德以仁義爲薄

文子上仁篇問仁義禮何以爲薄於道德也老子曰爲仁者必以哀樂論之爲義者必以取與明之四海之內哀樂不能徧竭府庫之財貨不足以贍萬民故知不如修道而行德按其言則老子不知仁義者也故韓子原道譏之

注 有人引美人之衣者

韓詩外傳

七

美人作王后謬甚

禽息

注引韓詩外傳禽息事今本無之廣博物志張溫自理  
表曰昔者百里奚賢秦穆公欲干之繆公好牛因賃以  
養牛蹄土乘肉三寸公使禽息視牛入言之公不信怒  
息復言之公乃怒吏曰再怒其主罪當別使守門公出  
禽息跪而請之曰夫養牛者願君勿忽也公乃問百里  
奚曰臣之長非養牛者也乃養民也公視牛察之則賢  
人也遂與同車而出謝禽息禽息曰所以不死者君未  
知客也今已知之矣乃觸門而死

美韓稜之抗正

按韓稜不見篇中蓋此論已被范史刊削偶漏韓稜一

語於篇末宋祁修唐書亦時露此醜

注 文士傳曰世無絕交

按此八字於上下文都無義理非脫文則錯出

注 黃帝作巾机之法孔甲有盤孟之戒

二語出蔡邕銘論文心雕龍黃帝刻輿几以弼違大戴  
記武王踐阼篇王聞書之言惕若恐懼退而爲戒書於

席之四端爲銘焉羅泌路史云巾几之銘曰璫弇弱毋

俛德讀佩若倍毋違同毋傲禮毋謀非德毋犯非義卽此巾

机之法也藝文志孔甲盤孟二十六篇在雜家黃帝銘

六篇在道家御覽五百九十太公金匱云武王曰吾隨師尙



父之言因爲書銘隨身自誠詞不具錄

### 減省第宅園池之費

御覽

七百六十九

張璠漢記曰梁冀第池中船無故自覆問

掾朱穆穆曰舟所以濟渡萬物不施遊戲而已今覆者天戒將軍濟渡萬民不可長念戲也

### 徵拜尙書

御覽

二百十二

張璠漢紀曰朱穆黨事禁錮徵拜尙書正月

百官朝駕畢虎賁當陞置弓於地謂羣寮曰此天子弓誰敢干越百寮皆迴避不敢當穆乃呵之曰天子之弓當戴之於肩首之上乃敢置地大不敬卽收虎賁付詔

獄治罪莫不肅然服其忠烈按此事與注引續漢書同  
彼在爲侍御史時而謝承書亦云爲尙書時故附之於  
此

追贈益州太守

此歿而贈官之始袁宏紀作益州刺史爲是

凡二十篇

御覽

九百八十一

文士傳曰朱穆作鬱金賦舊唐志朱穆集

二卷

樂恢傳 事博士焦永

袁宏紀作焦貺此書鄭弘傳亦作貺永字蓋誤

信陽侯陰就

陰就封新陽侯屬汝南郡信新古通兩漢志俱作新

注 年十三入太學

北堂書鈔引先賢行狀年十五

經曰天地乖互萬物天傷

易緯通卦驗乾氣退萬物傷此下六句疑並出易緯而今不可考也

誅罰必加

韓非孤憤篇當世之重臣主變勢而得固寵者十無二三是其故何也人臣之罪大也

何敞  
傳注

子孫佩印綬者當如此筭

御覽

三百七十八

三輔決錄注曰張氏得鉤何氏得筭三輔

舊語曰何氏筭張氏鉤何氏肥張氏瘦言何氏肥人輒

貴瘦人輒賤張氏瘦者輒貴肥者輒賤故二族以鉤筭

知吉凶以肥瘦知貴賤

搜神記京兆長安有張氏者畫獨處室有鳩自外入張氏惡之

披懷而祝曰鳩來爲我禍耶飛上承塵爲我福耶來入我懷鳩翻入懷以手探則不知鳩之所在而得一金帶

鉤焉遂竇之是後子孫昌盛有爲必倍

武帝時爲廷尉正

云正者是也通典

職官

宣帝始置左右平而三輔決錄皆

云何比于漢武帝時爲廷尉右平謬矣

敝奏記由曰

按袁宏紀以章帝元和三年歲比不登諸王皆留京師  
賞賜過厚太尉掾何敞說太尉宋由云云此傳則在竇  
憲秉政後和帝卽位之初通鑑次此事在章和二年章  
帝未崩之前據敝奏記云明公視事出入再期又言臘  
賜知在此年蓋帝紀以元和三年宋由代鄭弘爲太尉  
通鑑是也

空空無違

皇偏論語義疏空空無識也

注 綿綿不絕或成網羅

見說苑敬慎篇周書和寤解作綿綿不絕蔓蔓若何

遷汝南太守

御覽

九十三

輔決錄注曰敞爲汝南太守章帝南巡過

郡有刻鏤屏風爲帝張設詔命侍中黃香銘之曰古典  
務農雕鏤傷民忠在竭節義在修身敞懼禮賢命士改  
修德化按此傳敞爲太守在和帝永元中則彼云章帝  
誤也

鮑陽舊渠

方輿紀要鮑陽渠在汝寧府新蔡縣北七十里

鄧皇后上太傅禹冢

一統志鄧禹墓在南陽府南台縣西十八里

論 斷勦姦回之偪

勦絕之勦從刀不從力說文刀部勦絕之勦从刀彙聲  
夏書天用勦絕其命又力部勦勞也从力巢聲春秋傳  
安用勦民此二字義各別毛居正六經正誤辨之

鄧彪傳 封郾侯

一統志郾縣故城在汝羅府羅山縣西南九里楚冥阨之地  
以二千石奉終其身

此漢制之優厚也唐則視其官品而給半祿會要六十七  
建中三年九月勅致仕官所請半祿料及賜物等並宜

從勅出日於本貫及寄住處州府支給太和元年右僕射兼太子少傅楊於陵以左僕射致仕特恩令全給俸

料

張禹傳 後爲常山關長

注云今定州行唐縣西北有故關邑城按續志常山國有南行唐縣中山國有唐縣

疑兩志脫行字

舊唐志鎮州有行

唐縣定州有唐縣然近常山之關縣者則鎮州行唐非

定州唐縣也注誤以恆爲定耳關通鑑及舊唐志俱作

開誤舊志云樂城漢開縣後魏於開縣故城置樂城縣

元和志同按關縣光武後省入樂城一統志關縣故城在真



定府樂城縣北樂城縣志云故城在今縣北十里董保

邱

永平八年舉孝廉

東觀記永平六年張禹爲廷尉府北曹史處事執平爲京師所稱明帝以其明達法理有張釋之風超遷拜廷尉按由廷尉史卽授廷尉漢之銓政無此例姚之駟曰禹以永平八年舉孝廉則其時禹安得驟拜廷尉愚以禹之歷職考之實東觀誤也錢大昭補表遠列之永平七年廷尉中太鹵莽又按此條出北堂書鈔所引彼紕繆雜亂不可枚舉諒非東觀元文

注 酈元水經注吳王賜子胥死浮尸于江夫差悔與羣臣臨江設祭修塘道及壇吳人因立廟而祭焉

按水經注但言吳人憐之爲立廟與史記同不云夫差悔與羣臣臨江設祭也初學記引董覽吳地記則與此

注所引同又御覽

三百二十六

吳越春秋曰夫差帥諸臣出

國東祠子胥江水濱諸臣並在夫差乃言曰寡人蒙先王之遺恩爲千乘之主惜不聽相國之言乃因讒佞之辭至今相國遠沒江海自亡以來濛濛惑惑如霧蔽日莫誰與言泣下沾衿若不自勝左右莫不悲傷今吳越春秋無此

徐縣北界有蒲陽陂

元和志泗州徐城縣漢徐縣永秦湖在縣南二里周迴三百六十里蓋非此也一統志蒲陽陂在泗州西北

注 音億糗也

按此四字應是東觀記中舊注章懷未及刊落或是後來添注錯入也

自長史以下莫不震肅

按王國長史如郡丞國相主其黜陟

勳設先置止則交戟

周禮掌舍設戟門鄭司農云以戟爲門先置後世謂之

頓遞

清道而後行

通考

九一百

咸平中大禮備儀衛則有司先布土爲黃道

自至祀所左右設香臺畫甕青繩闌干巡省在塗則不設羣臣不得行黃道上

徐防

沛國銍人

元和志亳州臨渙縣本漢銍縣舊統志臨渙城在鳳陽府宿州西南九十里又有銍城在州西南四十六里

奉事二帝

姚本續漢書作奏事三世按尙書郎主奏事明光宮此

奉字非

發明章句始於子夏

陸德明經典序錄子夏易傳三卷七畧云漢興韓嬰傳

中經簿錄云丁寬所作薛虞記

冊府元龜六百四開元初左庶子劉子玄上議

按漢書藝文志易有十三家而無子夏作傳者至梁阮氏七錄始有子夏易傳六卷事殊乖刺豈非後來假憑先哲亦猶石崇謬稱阮籍郭璞濫名周寶必欲行用深以爲疑尙書禮部奏如子玄議儀禮喪服

傳疏云案公羊高是子夏弟子今公羊傳有云者何何

以曷爲孰謂之等今此傳亦云者何何以孰謂曷爲等

之間以弟子卻本前師此傳得爲子夏所作師師相傳

蓋不虛也又序錄云孔子刪詩以授子夏子夏作序口

以相傳未有章句按易傳雖非真而詩禮二家子夏實有發明也

以遵師爲非義

荀子儒效篇有師法者人之大寶也無師法者人之大殃也呂氏春秋尊師云說義不稱師名之曰叛

論語不宜射策

唐六典試明經者其孝經論語老子並須兼習舊制諸明經試每經十帖孝經三帖論語八帖老子兼注五帖每帖三言通六已上然後試策十條通七卽爲高第開元二十五年敕諸明經先帖經通五已上然後口試每

經通問大義十條通六已上並答時務策三道唐之帖  
經猶漢之射策也

封龍鄉侯

錢大昭補表泰山博縣鄉按通志龍鄉城在泰安府泰  
安縣東南五十里

張敏鄭人

明統志鄭縣故城在河閒府任邱縣北三十五里

記曰利一害百人去城郭

商子更法篇利不百不變法功不十不易器敏所引見  
黃石公下畧也

胡廣  
傳 大司農馬宮

前書俱作大司徒

廣少孤貧

御覽

三百六十一

世說曰胡廣本姓黃五月生父母惡之乃

置之甕投於江湖翁見甕流下聞有小兒啼聲往取因長養之以爲子登三司有中庸之號廣後不治其本親服云我本親已爲死人也世以此爲深譏焉

入郡爲散吏

晉書職官志郡國萬戶以上職吏六十九人散吏三十九人按隸續碑陰所謂从掾位从史位者是也



拜尙書郎五遷

初學記續漢書云拜尙書郎兼理兩曹轉左丞

上書駁之曰

按左雄之法值主昏政亂選舉混淆仕塗穢雜救弊補  
缺有不得已也胡廣等奏虛稱曠典張絡佞辭必若所  
言古典黜陟非所辨於童昏奇才拔擢非可律於嬖倖  
將使賢能厄塞無可自異勢家貴戚譎數詭得一持竿  
贖目不識丁便擢翼煙霄掉臂彤庭也廣等誠何心哉  
風俗通過譽篇南陽伍世公爲太守舉同歲子蔡瑱爲  
孝廉年十四到十八始出治劇平春長此不限年之弊  
也

注 周成雜字曰

隋經籍志雜字解詁四卷魏掖庭右丞周氏撰梁有解  
文字七卷周成撰

議者剝異

邵伯溫聞見錄剝當作駁按古剝駁字通用

出爲濟陰太守

按左雄傳雄改察舉之制故濟陰太守胡廣等坐選舉  
不實黜免是廣爲太守雄王內臺彼握郡符此班新格  
由是而被糾乃此傳先列廣駁議後方稱出守若雄制  
施行已久廣無容憤憤若廣先爲邵守則不容預有駁

議此足明駁在事後非方議施行時也馬廷鸞但據此傳以難雄傳非爲通識

復爲汝南太守

御覽

四百八十二

風俗通曰汝南陳公思爲五官掾王子祐

爲兵曹行會食下亭子祐曾以縣官考殺公思叔父斌斌無子公思欲爲報仇不能得卒見子祐不勝憤怒便格殺之還府歸死時太守太傅胡廣以爲公思追念叔父仁勇奮發手刃仇敵自歸司敗便原遣之

安樂鄉侯

一統志安樂鄉在南陽府南後魏置安樂戍於此

復拜太中大夫太常

蔡邕集胡公碑云延熹末年

末字誤

聖主革正幸臣誅斃

引公爲尙書令乃拜太僕遷太常司徒

明解朝章

姚之駟本謝承書太傅胡廣博綜舊儀立漢制度蔡邕  
依以爲志按文選任彥升薦士表注引胡廣漢制度齊  
書禮志太傅胡廣撰舊儀

注 以漢安元年爲司空

按傳文則是司徒袁宏紀是年亦云大司農胡廣爲司  
徒謝承書則云一履司徒三登太尉而不數司空

熹平元年薨

按碑作建寧五年三月壬戌蓋其年五月方改元熹平  
立碑時未改元也

作十二州二十五官箴其九箴亡闕

按古文苑揚雄十二州箴者冀兗青徐揚荆豫益雍并  
幽交也然西京有涼州無雍州雄傳云作州箴晉灼曰  
九州之箴也藝文志云箴二則其數溢於藝文志僞託  
顯然又交阯部至建安八年張津爲刺史士燮爲交阯  
太守共表立爲州乃拜津爲交州牧見晉地理志則揚雄時  
何得豫有交州乎朔方交阯兩部南北對舉故不置州光武罷朔方入并州其二十

五官箴曰光祿勳衛尉太僕廷尉大鴻臚宗正大司農  
少府執金吾城門校尉上林苑令司空司徒大理尙書  
諫大夫爲十六而缺其九也然哀帝元壽二年改廷尉  
爲大理二官並出則其一非揚雄作矣初學記題後漢  
崔德正大理箴  
司徒司空古文苑一作崔駰初學記於後來分析小州  
如潤州等並有揚雄箴此  
非謬不待言也御覽二百二十九有揚雄太官令箴二  
百三十五有揚雄太史令箴藝文類聚職官部有揚雄  
博士箴將作大匠  
箴與古文苑同

增補十六篇

古文苑有將作大匠太常太尉河南尹四箴題爲崔駰  
作河南尹箴御覽二百  
五十二誤爲揚雄尙書博士東觀關都尉河隄謁

者郡太守北軍中候侍中司隸校尉九箴爲崔瑗作御  
覽二百二十九有崔寔太醫令箴初學記有崔寔諫議大夫

箴

與揚雄語同

廣復繼作四篇

御覽

二百二十九

有胡廣陵令箴二百四十一有胡廣邊都尉箴

初學記有胡廣侍中箴

與崔瑗文同

凡二十二篇

舊唐志胡廣集二卷北堂書鈔有胡廣印銘笥銘

玉海八十

四作印衣銘

論 遲遲於岐路之間也

列子說符大道以多岐亡羊學者以多方喪生

後漢書疏證卷四



浙江書局刊

高念曾校

陳其榮校

陳謨校